

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43		Issue No. 23		Ramhlun North: Ni 07 June, 2025	
SECTION THU THAR Neuva Section : Pu Voneithang Leivon (L) Hriatreng nan Pi R. Lalveni leh a chhungte'n seat dup 15 leh a cover 7 lai mai Section te an pe a. An chungah lawmthu Section hruaituten an sawi. Tunkar khan MZU-ah inhlawnin an hnatlang. Thawkchhuak te chungah lawmthu an sawi.		YMA DAY DARLUNG LAMAH (YMA Day Pathianni a nih avangin ni 14 ah lawmna hman tur a ni) Ramhlun North, the 7th June, 2025: Kum YMA Day, June ni 15 hi Pathianni a nih avangin Central YMA thuchhuak angin a lawmna hun hi ni 14.06.2025 (Inrinni) ah kan branch chuan lawm ni se tiin a rel. Branch Executive in a lo rel tawh angin Darlung Branch tlawha hmun hman tur a ni dawn a ni. A kal turte chu RSC Field atangin zing dar 9:00 ah chhuah tur a ni a, Darlung-ah hian Programme hi dar 12:30 pm a nih dawn avangin a hma lama chhuah tur a ni. Member a duhte apiang kal theih a ni a, kalna mahni inngaihtuah tur a ni thung ang. YMA Day hmanna turah hian session hnihah then a ni anga, Session 1-na- Chairman: Welcome Speech: Hunserh : Secretary Report : Thusawi : Solo : Zaipawl : Pu Lalvulluaia Darlung Branch YMA Vice President Pu Lalvulluaia Darlung Branch YMA Vice President Pu Rorelliana Ramhlun North Branch YMA Treasurer Darlung Branch YMA, Secretary Ramhlun North Branch YMA, Secretary 1. Pu Laldingliana Sailo, Ramhlun North Branch YMA President 2. Pu H. Vanlalhlana, Darlung Branch YMA President Nl. Lalfakawmi, Darlung Branch YMA Ramhlun North Branch YMA Zaipawl Session hnihna hi Variety Programme anga neih tur a ni a, hetah hian host-ah Pu Isaac Zothianghlina, Saizahawla Section leh Dr. Ruby Zonunmawii Zote, Taitesena Section te an ni ang. Special Item-ah Darlung Branch atangin Pi Laltlankimi leh Nl. Laltlanthangi te an ni ang. Tin, kan branch atangin heng mite hi zai tura beisei an ni. 1. Pu Stewart Lalrochama, Vanapa Section 2. Tv. Zorinsanga Sailo, Vanapa Section. 3. Nl. Jessica Lalremkimi, Chawngbawla Section. 4. Nl. F. Vanlalhraaii, Neuva Section. 5. Nl. B. Lalbiaksangi, Saizahawla Section. 6. Nl. Ruthi Lalhmingmawii, Khuangchera Section. House Band : Music Sub-Committee atangin (a tam thei ber zai a ni ang). Tlai dar 4:00 atanga ruai theh a ni anga. Dar 6:00 ah chuan Darlung chhuahsan vek tur a ni.			
SUB.COMT THU THAR Kumpuan Sub-Committee: Ni 8.6.2025 (Pathianni) naktuk chawhnuah Salvation Army, Ramhlun Corps-ah Corps Cadet inkhawmah hun hman tur a nia, Tv. Lalremruata Renthlei, Kumpuan Sub-Committee member in thu a sawi ang. He hunah hian committee member-te intawiawm turin kan in ngen e. Library Sub-Committee: Vawiinah kan vengah chhiat tawh an awm avangin Library khar rih a ni. Veng chhung mipuite kan inhriattirna a ni e. Music Sub-Committee: Ni 10.06.2025 (Thawhlejni) zan hian Zaipawl te hla zir leh tur a ni e. Zaipawl member zawng zawngte kim taka kal i tum ang u khai. Hla zir hun kan nei tam tawh lo nen. Tin, YMA Day-a mimal zai turte Music Sub-Committee House Band te hla an zirpui mek bawh a ni. Property Sub-Committee: MUP Building chungah mic. horn chu siam that tura hmalak mek a ni e. Tin, Pu Biakdawla Buildinga tharah mic. horn pawh sawn a ni e.		LOCAL COUNCIL THU 1) Ui neituten kan Ui thlalak (print sa) copy 2 theuh Local Council Secretary hnenah June thla ral hmam thehluh fel vek tur a ni. Ngai pawimawh lova thehlut lo Ui vulh kan awm chuan Ui chuang anga ngaih tur a ni. Thlalakah hian Ui neitu hming, awmna Section leh Phone Number chiang taka ziah lan tur a ni. 2) Vengchhuang In tinte kan tuichhe paihna kawngpuiah leh mahni compound-ah luanral tir mai lovin, kawrpui thleng ngei turin tui luankawr emaw / pipe in emaw siam vek tur a ni. 3)Traffic chungchangah mi pahnih khat thu la zawm thei lo kan awm nachungin, veng chhung mipuiten Local Traffic Management hmalakna tawiawmmin thu kan zawm tlang a a lawmawm hle			
BRANCH THU THAR Vengchhungah chhiattawh an awm avangin Branch Executive Committee meeting thulh a ni a. Committee leh hun tur chu whatsapp lamah kan inhriattir leh dawn nia.					



YMA Din Chhan

YMA chu “Politics rawng kai lo, Tlawmngai Pawl” a ni a, “Tanpui Ngaite Tanpui” tih thuvawna neitu Pawl thianglim leh zahawm a ni.

Kristianna a lo luh ațanga hun rei lote chhungin Mizote chuan hma nasa takin kan sawna, Biak In leh Zirna sikulte a lo din chhoh tak zel avangin kan Mizo nuna hmun pawimawh tak luah tlat thin Zawlbuk meuh pawhin a hlutna nasa taka hlohin chuai lam a lo pan chho ta a. Mahse, kan Zosapte leh khatih hunlaia Mizoram awptu Governor meuh pawh khan Zawlbukin Mizo khawtlang nunah hna a thawh nasa thin dan leh a pawimawh dan chiang taka an hriat avangin Zawlbuk chu chawi nun leh tumin an thar thawh leh a, amaherawhchu, awmzia a awm thui ta lem lo a ni.

Mizote zirna Inpui, an Ralven buk leh Mizo hnam nun inngahna Zawlbuk a lo tawp takah chuan a aiawh thei tur thil dang din a tul tak zeta an hriat avangin kan Zosap Missionary-te leh mi thahnemngai zualte kal khawm chuan Pi Zaii inah Zawlbuk aiawh tur pawl din an ngaihtuah ta a. Tichuan, ni 15, June 1935 ah Young Lushai Association (YLA) chu din a lo ni ta a ni. YLA din ațanga kum 12-naah Lushai tih chu Mizo tia thlak a lo ni leh ta bawk a ni.

YMA lo pianchhuah dan kan tarlan tak ațang hian YMA chu Mizo zawng zawng huap, Zawlbukziarang ang deuh thawa Mizote min enkawla min kaihrui tura din a ni. Chu mai bakah, YMA hi kan Missionary hmasate kaltlanga Pathianin min dinsak Tlawmngai Pawl ang hial pawhin a sawi theih bawk. Chuvangin, YMA hi a Kristian em em a, kan sakhuana nen pawh inrem takin a kal thei a ni.

YMA Day kan hman chhoh mekah hian, hmanlai kan pi leh puten Zawlbuk ațanga an lo zir chhuah thin - Tlawngaihna, Aia Upa zah, Huaisenna leh thil dang tam takte kha YMA hian a chhawm zel a ni tih hriain, YMA member-te hian vawng nung thar lehin kan nun theuhah i seng lut leh ang u.



LEIRUANGTUAM

Kan hriatna tizatu atan leh thil thleng dangdai a nih avangin, kan tar lang ve reng reng teh ang.

"Leiruanguam" kan tih hi khawvel thiamna (science) leh evolution theory ațanga thlir chuan thil mak a ni tehchiam lo a, ridium awm avanga rawn piang leh arsi keh them (materiods) rawn tlakna hmun chu 'Leiruanguam' ah a chang thin tiin ngaihdan neih a ni. Ni mahse, tan fung nghet an nei bik lova, an rin dan leh thleng thei chu a ni ve tho. Mahse, kan ti teh ang, science thiamna an tan fung leh ngaihdan sawh sawn leh awih loh lam nilovin, mizo tena kan thlirna tlang ațang chuan thil mak leh dangdai a tling pha tlat a ni.

'Leiruanguam' tih tawng kau chheh ringawt pawh hian dawi zep pangngai tan chuan a rapawm thawh khat ve hle a ni. Tlem han thlir zau deuh i la, thil dangdai ve tak a nih avangin.

Sawi tawh angin, 'Leiruanguam' hi tunlai thiamna hmanga an hrilhfiahna thenkhat ah phei chuan, hmanraw satliah nena laih mai mai chi a ni lo te an ti a, a chakna pai a pek chhuah hian mihring tan pawl nasa tak a khawih in a thlen thei an ti bawk.

Mihring ruang chen velin 'Leiruanguam' lai hi a fai hlaua a, hnim pawh a to thei ngai lo, a then phei chu a pawng thur thei a, sava te hian a chung lang hi an thai fai hlaua reng thin an ti. Sawi dan dang lehah chuan, a chhunga awm hian a chakna (power) tichhuak in, a chung vela awm reng reng a ti ut mawih vek thin an ti bawk.

Leiruanguam hi a hmu tawh te'n an sawi dan in, mihring dung tia vel tura sei leh a vang lam tawng thum vel niin an sawi tlangpui thin a, a sir vel chu hnim hnawk thin hle mahse chu leiruanguam chu a bel fai hlaua thin niin an sawi thin a. Hmanlai pi leh pute phei chuan, ramhuai a chhungah cheng niin an ngai bawk thin a, thlawh hma atan pawh leiruanguam awmna lai hi an nei ngam ngai lo an ti hial thin. A bul hnaiah takngial pawh an kal tha ngam ngai lo an ti thin.

Tin, Samak an kah thlukna ah hian, a thi hi darh nuaih pawh nise, an inpankhawm leh vek a, hmun khatah lei ah lut khawm in, lei chhung ațangin a awmna zawn a rawn ti pawng in, mihring ruang chen lai te pawhin a fai pawng hlaua thin an ti bawk. Awihawmna chen pawh a awm ve thei tho, a chhan chu Samak thi hi, sin te te in tisawm ila, lehkha phekah han dah ila, an per sep sep thei tlat a ni.

Hmanlai kan pi leh pute khan an tih em em thin a, an lo emaw an inbul hnaiah a awm phei chuan, an hlau ru zek zek thin a. Tin, a awmna hmun hi lo ah an nei duh ngai lo hrim hrim a, a bul hnaiah pawh an kal duh ngai lo. A awmna hmun-a insak hnán phei chu chhungkaw pa ber boralna ah an ngai hmiah thin. Thenkhat sawi danah erawh ro phum rukna ni hial te'n an sawi bawk.

Leiruanguam chanchin hian hmanlai

kan pi pute hunlai khan thawnthu tam tak a lo hnutchhiah a, mi chi hrang hrangin an tawn dan hi a inang lo fur a, chung zinga Maite khua ațanga 1km leh tlama hla Dihmun zawl, tawi tlang hnuaiah sawn a chanchin sawi tu te'n an sawi a tam ber thin avangin, a hrechiang inti ber leh hmu hnunung a insawi in a sawina dan chu, han thai lang ila.

Pa pakhat ramvak in chawhnu her lamah chuan, hei ngei hi a nih dawn hi tih tur hmun fai hlaua leh hnim to ve thei lo a, lei lo dum bel bik tlat lai chu, ka han hmu chhuak ve ta nge nge a, phur pawh ka phur kher mai. A hnua ațanga chak na a la peckhuah leh chhuah loh enchhin nen, buhum thum khat vel ka ken te chu ka han theh ta a. A awmna lai vel hi, ram zau angreng tak, dihmun leh tlang leh hnim lian vak lo awmkhawmna kar a nih vang chuan, thingtuai sat in, a chhinchhiah nan a bul lawkah chuan a hnah ho chhawk bul fur in ka sawh phun a, a tuk lama laih turin ka hawsan ta a.

A sawi zel danah chuan - Mihring tana hlauhawm thei a ni, an tih ka hriat avangin, helama mithiam deuh ka hmelhriat te ka berawn kual a, thawmhnaw thua sarih vel ka inbel a, ka hmai ka tuam in, tarmit dum nen, ka lu ka vet phui luk bawk a, ka lai ta a. Upa duh loh thil hi a tam zawk an sawi tlang lawn hi ka rin ve loh avangin, a theih chin chin hi ka tilui ve ngar ngar a. A lei ka han cheh chuan, tlem chuan ka tim ve deuh a, ka han chek ta a, ka bawngtuthlawh chu la chhuak mai lovin ka han rial vang vang a. Eng thawm emaw, thil danglam ka hriat tak loh ah chuan, vawi sawm vel ka chek in; a vung ka han paih thawt thawt a, a lo hnip phian bawk si nen, a bul hmuh phak chin a lei ho ai khan a dum danglam bik hrim hrim nen, eng emaw tak chu laih chhuah ve ngei ka inring a.

Zing lam dar 7:00 vel ațanga lai tan ka ni a, suahdur in a vung ka paih chhuak zel a, behliang mun hun velah chuan ka awm thleng hmaw in ka lai thuk tawh a. Chhun chaw te ka han fak leh te te a, tha thar in ka han tan leh ta a. A lei dum chin bik chu ka lai zo chu a ni der ta mai, ka laih bak chu ka han chek thin a, a lei kha a lo muk in, a lo sak ta viau mai si a, beidawng tak in lai chhunzawm tawh lovin ka haw san ta a ni.

Hei bakah ka laihna ni lo ami, tuna ka laihna ațanga km 6 vel zeta hlaah hian, kan khaw thenawm Khawbel Pasaltha Pa Muka khan Samak a kap an ti thin a, a kahna velah hian Leiruanguam a awm e, an ti fo bawk. Hei erawh fiah hman a ni ta lo, an ti.

Heta tang hian 'Leiruanguam' hi a thenin Samak kahna hmun ti-a sawi an awm laiin, thenkhat erawh in Mizo pi pute ram lama an puithuna chi khat niin an sawi bawk. Sawi dan tam a awm avang hian eng nge dik-a dik lo zawk pawh hriat thiam a harsa tawh. Kan pi pute erawh kha chuan an ngai thu tak viau a, lo an neihna tur ram an enin, an lo enah khan mual khang zawnga thlan niawm tak, hmun pawng deuh, fai deuh hlaua si a awm chuan 'Leiruanguam' an ti a. Chutiang awmna ram an neih luih chuan an chhungkuaah thihna hial a thleng duh niin an ngai a, hmun hlauhawm, lova neih thiang lovah ngaiin, an bawhzui duh tawh lo thin.

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalhuntluanga, Vanengmawia
Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma
Circulation Managers: PB Lahuapzauva, Samuel Lahlupuia, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

ZIN & HAW

■ Dr. Joseph Lalhminglana, Asst Secretary, chhiat tawh avanga Thingsulthliah-a zin chu a lo haw leh ta.

■ Elizabeth Lalnuntluangi ECM, NI Nancy Lalhmunzauvi leh NI. Laldinpuii S-Sec. te chhiat tawh avanga Khawlian zin pawh an lo haw.

■ Pu Mangchungnunga te nupa S-Sec. chhiat tawh vanga Khawlian zin chu an lo haw leh ta.

■ Pi Zosangliani, V-Sec. inentira New Delhi-a zin chu an lo haw leh ta.

■ Pu L. H. Thanga, V-Sec. te chhungkua in entira New Delhi kal chu a lo haw leh ta.

■ Dr. Malsawmi w/o Lalmachhuana (L) T-Sec. Kolkata-a inentir a kal chu an lo haw leh ta.

■ Maj. Jerry Lalrozama, V-Sec. Garodpunji-a khuarel chhiatna tuarte tanpuina sem chhuaka zin chu dam takin a lo haw leh ta.

■ Tv. Zachary Vanlalhmangaihzuuala s/o VL Zahawma, V-Sec. chu a hna thawhna hmun Australia atangin chawlh hmangin a lo haw.

■ Pu Byron Lalsangkima, C-Sec. chu Kolkata-ah inentir turin an kal.

■ Pi Laithuami w/o VL. Malsawma, C-Sec. chu inentir turin Guwahati -ah an kal a, a fapa Pu Lalengmawia’n a kalpui a ni.

■ R. Lalmangaihsanga s/o R. Rohminglana, T-Sec. chu Global Youth Summit 2025, Mangalor a neih mekah a kal.

■ Pu Emanuel Lawmkima, C-Sec. chu hna thilah Bangaluru-ah a zin.

■ Pi B. Thanpuii w/o PC. Rohmingthanga, T-Sec. chu in entirin Kolkata-ah a zin, a fapa Pu PC. Laldinglana’an a kalpui a ni.

■ Pu C. Lalthanzama, S-Sec. chhiat tawh thila Thingsulthliah-a zin chu a lo haw leh ta.

■ NI. Lalpekhlui d/o Ch. Lalnunkima, K-Sec. chu a zirna hmun Shillong atangin chawlh hmangin a lo haw.

■ Pu Vanlalnunpuia Varte, C-Sec. chu a hna thawhna hmun Bungtlang South-ah a kal leh ta.

■ Grace Lalmawipuii d/o Lalhmingmuana, V-Sec. chu a zirna New Delhi atangin chawlh hmangin a lo haw.

LEI PIAH LAMAH

Lalngaizuali
K- 65 w/o Tuikhuah-thanga, N-Sec. chu ni 6.6.2025 tlai dar 6:45 pm khan a boral a, vawiin ni 7 . 6 . 2 0 2 5 chhun dar 12:00 khan Ramhlun North Thlanmual, Zemabawkah vuiliam a ni.

Lusun khawhar chhungte thlamuantu Pathianin vengin awmpui zel rawh se.



DAMLO

■ Pi PC. Vanlalzuui w/o Thangtinkhuma, T-Sec. chu accident avangin LRM Hospital-ah enkawl mek a ni

■ Pi Lalzuithangi w/o Lalthankunga (L), T-Sec. chu Typhoid avangin in lamah enkawl mek a ni.

■ Pu Lalawmpuia Tochhawng, V-Sec. chu natna hrang hrang avangin in lamah enkawl mek a ni.

■ Lalramthanga Zote h/o VL. Zairemi, K-Sec. chu pum lam tha lo avangin Civil Hospital, Aizawlah tun kar khan zai a ni.

■ Pu Lalchhuanmawia h/o Lalduhawmi C-Sec. chu Ebenezer Hospital-ah enkawl mek a ni.

■ NI. C. Lalruatfeli d/o Er. C. Lalhumbima S-Sec. Ebenezer Hospital-a khabe ruh zai chu a lo chhuak ta.

■ Pu Ralthuama, C-Sec. chu Civil Hospital, Aizawl atangin in lama inenkawl chhunzawm turin a lo chhuak.

■ Rev. C. Biakmawia, T-Sec. Synod Hospital, Durtlanga awm chu in lama inenkawl chhunzawm turin a lo chhuak leh ta.

■ Rev. Sanghnuna, V-Sec. te nupa chu in lamah enkawl mek an ni.

KOHRAN

■ **Ramhlun North Presbyterian:** Vawiin nileng hian Ramhlun North Presbyterian Kohhran Biak Inah Family Guidance & Councelling Centre huaihawtin, ‘*Chhungkaw Kehchhia Zir Chianna*’ Seminar neih a ni a, Kohhran hrang hrang atangin palai 400 vel an kalkhawm a ni.

■ **BCM:** Ramhlun North Kohhran chuan tukin (Inrinni) zing dar 8:00 khan Insuih tha duh te tan Inneih inkhawm a buatsaih a. Rev. Hrangeia Hmar, Bialtu Pastor in Nupa tuak 3 a insuih that tir a ni.

LAWMAWM

■ Pu Lalhruaizela, T-Sec. chu District Commandant-ah a kai sang.

KEIMAHNI

■ Pass thar te a lawmnaa tel ve hman lo emaw certificate siam that te, NI. Lalrotluangi Jt. Editor (Ph: 9862132688) hnenah ngaihven tur a ni e. Anni hi RSC field bula awm an ni e.

■ Kar hmasa khan NI. Sarah Lalrinsangi, V-Sec. (Sarah’s crEATion) neitu chuan Editorial Board te chaw eiah min sawm a. Kan puarin kan fan hle, Catering lam ti mi a nia, lo dawr ve thin teh un. A chungah lawmthu kan sawi tak meuh meuh a ni e.

■ MARYMA vawi khat chhut man Hmingthup-in min tum sak dawn kan lawm em em a ni.

THILDANG

■ **Ruangchhuak :**
S. Laldinglana, K-59 h/o Lalhmunsiami chu ni 2.6.2025 Dar 6:20 PM khan a boral a, a ruang hi Pu Mangchungnunga, S-Sec. te inah chawlhpuia a nih hnu ah an khua Khawlian panpui a ni.

Lalnunthari, K-44 w/o HC. Lalrinchhana chu ni 5.6.2025 Dar 10:30 AM khan a boral a, a ruang hi an chenna in Pi Lalthantluangi, V-Sec. te ina chalhpuia a nih hnuah an khua Champhai Kahrawt pan pui a ni.

■ Lalrammawia, K-Sec. te chhungkua chuan an in thar an luah fel ta.

■ Pi Lalngaizuali (L) thisen petute-

1. Pu Biakchungnunga, Secretary
2. Pu Rorelliana, Treasurer
3. Pu Lalruatsanga, C-Sec.
4. Tv. Josiah VL Awmawia, N-Sec.

PAWL DANG

■ **Ramhlun North Football Club** te chuan 2025-2026 Season thar hma thar lakna atan Coach ah Pu H. Lalrindika, Venghnuai chu an sign pui.

Pu H. Lalrindika hi Venghnuai FC te MPL hruaithleng tu leh MPL U-18 ah te lo champion pui tawhin MPL Club dang te leh Mizoram Team te lo enkawl thin tawh tu a ni. 2025 Kuminah pawh Mizoram U-20 Team enkawlin Final a zuk thlenpui a ni. Hetiang Coach tha an sign pui thei hi RNFC hruaitute pawh an lawm hle a ni.

■ **Basic Mualmawng Welfare** te tukin zing khan Thlanmual hlui kawng kam hnim te samin an hnattlang, hnattlang thawk chhuak zawng zawng chungah hruaituten lawmthu an sawi e.

ZO OPTICAL

Ramhlun North (Industry peng Traffic Point bul)
Pi C. Lalrinsangi Building

May-June thla chhung 20% thleng discount a awm dawn a, MUP member leh Vohbik te tan 20% + 5% discount a awm mek bawk e.

B.Sc, M.Sc Optometry zir chhuak thiam takin an thut chilh reng bawk a, a thlawn in mit a check tir theih reng bawk e.

Contact : Ph-8414007366

MARYMA		PHEK 4-NA	RN YMA CHANCHINBU	
📰ARTICLE		🔧ADVERTISEMENT		
LEIMIN SEASON - Dr. Fel Fela, C. Sec Premiere League season a zo a, Football fans zîngah kan club tan a zirin mi zînga inkhel sawi nuam ti deuh deuh a then erawh pawr lo fe fe, mahse tlawm si lo pawh kan kât nuk awm e. Hetia inkhel boruak te a daih hret hret lai hian India khawmualpui hual vel tu tui friat lamah erawh khuanu PHE Dept. lamin June leh September thla inkâr vela kan tui connection dawn tur buaipui in a lo buai ve hle mai a. Kan khawvel in ni (sun) a hel kual dan te, thla thar lo inherchhuak zel mil a kan leilung in ni zung a dawn dan te a zirin sik leh sa a lo inthlak danglam ve zel a. Nipui a lo in herchhuah hian kan awmna khawmualpui leh a hualtu tui te hian ni a tâng a lumna lo kal hi nasa zawk in a dawng a. Khawmual chung a boruak te chu lum chak zawkin boruak lum chu chung lamah chhovin, boruak pan/zang (low pressure) a lo awm ta. Hemi letling chiah hian tui pui chungah erawh boruak rit/chhah (high pressure) a lo insiam ve thung a, tui luang ang deuhvin pressure sang a tângin pressure hniam lamah boruak hi a che ta thin a ni. Hetianga boruak che hi thli (wind) kan tih hi a ni a, boruak rih dan danglam na nasat dan a zirin nasa takin a rawn che thei a, a insiamna hmun a zirin Cyclone, Hurricane leh Typhoon tih hming te an pu thin a ni. A tawi zawngin, heng ruah tui pai thli te hian khaw mual an luhin an kalkawnga tlâng sang tak tak te thlawh khum turin an tui pai thenkhat an thlauh ta thin a, keini ramah chuan fupui hun a lo her chhuak ta thin a ni. Kan Zotlang ram nuam hian fur ruahtui hi dawng lo ta se, a chhunga cheng hringmi te leh nungcha chi tin te tan hian dam khaw chhuah ngaihna a awm dawn lova. Hmun hring nuam zawk panin kan Pi leh Pu te lu nghahna hmun hi kan hnuchhawn a ngai ngei ang. Rin dan pakhatah chuan kan khawvel hi thil nung pakhat niin, a chhunga tui awm hi mihing taksa chhunga thisen zam kal vel ang mai hian khawvel nunna hnâr an ni a. Thal va ek châr laia thing hnah tla kawlh te leh hnim hring hmuh tur awm lohna kham pang ro tak te, kangmei avânga nunna reng reng nei lo ram te pawh fur ruahtui a lo thlen meuh chuan nunna tinreng in a bawm hring dup thin a ni. Malsawm ruah hi malsawmna leh nunna thlentu a nihna bakah hian hna dang tam tak a thawk ve bawk. Kan ram leilung pian hmang mawi leh chhengchhe tak; tlâng leh rûam, phai zawl, kurung, tuikhawhthla, puk a.d.t.an lo in siam theihna tur atana thawh hlawk ber pakhat chu 'Tui luang' a ni. Pi leh Pu te chin dan chhawmin tlâng chhîp hmun zâwlah kan in bengbel a, mihring kan lo tam tak zel takah chuan hmun remin min daih ta si lo. Âwih pang, hmun remchang ni-a kan hriat apiangah in leh lo kan din a, hma khaw sang atanga kó panga lei lo tla rem tawh sa kan lai chat a, chu a chhap ah leivung tih ral kawngah duhdah takin kan sawngbawl a, mi thenkhat chuan kan kawmthlangah te kan chap ral mai mai thin. Fûr ruahtui a lo thleng a, tlâng chhîp a tângin tui in hmun hniam zawk a pan theihna tur kalkawng a zawng a, tui luan kawr awm lohna hmunah chuan a remchan na apiang ah a luang mai thin. Heng tui luanna kawngah te hian kan leivung chhek khawl te a lo awm chuan a chhungah tui lutin a ti rit lehzual a, tin lei inhip tawwna te ti chak lo zelin a lo che ta mai thin a ni. Ruah baw hawk a lo thawh chang te leh hun rei tak tak ruah a tlak hian leivung mai ni lo lei sakhat ni-a kan ngaih te pawh, a chhunga tui in kawng a sial laklawh chuan an che ve thin. Hei hi chu tlâng rama leilung pian hmang inthlak danglam dan ve reng a ni a, kan ven theih loh chin hi a awm ve bawk. Leilung pian hmang a zira tui luan dan te, lei in chakna leh tui fawm theihna a neih san leh san loh a zir te in, mihring in kan khawih chet miah loh pawhin leimin awm duhna bik a awm ve bawk tih hre tel i la. Lei a ni emaw lung sakhat ngei pawh hi tui-in a chiah a, a chhunga a luh chuan nasa takin a chakna a tla hniam thin a, hei vâng hian fur lai hian leimin mai bakah lung tla pawh a tam hle thin a ni. Leimin season ah hian chhungtin te kan him tlan theihna turin mawhphurna kan nei theuh a. Mahni ram chin leh kan in dinna chin chiah ngaihtuah lovin, kan kawmthlang te leh kan kawmchhak te an him loh chuan keini tan pawh a hlauhawm thei a ni tih hria i la. Kan in leh a chheh vel a tui luan kawr awm dan te, kan tui chhe paihna te, tui dawn kan neih leh neih loh te, kan lungrem (lungrem sang) awm dan thlengin ngaihven tlang ila. Sawrkawr emaw khawtlang hmalakna ringawta innghat lovin kan phawk tawk theuh ah tan i la sauh sauh teh ang u khai. Kumin Leimin Season ah kan veng kan la che tha viau a, che tha zel turin chhungtin te insangmar teh ang u khai.				
KC TUI (10-4) Tui thianghlim, PickUp-in 2,000 litre kan pe thei reng e. Ramhlun North veng chhung tan discount kan pe e. Ph: 7005010327 / 9774223462 SP TUI (5-3) Tui hna thianghlim, ei leh in tlak, litre 2000 pickup trip kan pe thei e. Mobile: 9615789047/8730960917 SEPTIC TANK KHAT & REPAIR <i>Septic tank khat paih leh repair kan ti thei reng a, rate chu inbiakremna a ni ang.</i> Contact: 9612376373 C/o Marina: 9436140350 (5-4) JM SEPTIC TANK SEVICE Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e. <i>Rate inbiak remna.</i> Registration: MRS 542 Contact: 9862476439 / 9436199884 (10-2) SAWMA SEPTIC TANK SERVICE Septic Tank khat paih fai, commode block, pipe fit, soak pit thar siam engkim kan ti thei e. Rate: Inbiakremna Ph: 8119969364 REM REM ENTERPRISE Agriculture bungrua leh Thlai enkawlina chikim kan nei e. Thlai chi, Hlo tur, thlai vitamin, Sazu manna chi hrang hrang, khumfa hlo kan nei kim e. Pangpar khawina Floral Foam leh Pot pawh kan kawl tel e. (4-2) Servamus Plaza, Ramhlun North Contact:9089198436 KHIANGTE SEPTIC TANK SERVICE Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e Contact - 9862344971 Bawngkawn South (20-2) L.H SEPTIC TANK SERVICE Septic tank paihfai leh repairing engkim kan thawk thei e. Kum 17 chuang experience nei kan ni e. Rate:4500 per trip Ph.6909183193 (30-1) CBT STORE STATIONERY ITEMS- Zirlai leh mitin mamawh RFL HOUSEWARE (Plastic tha mi inchhung bungrua chi hrang hrang) CB Thangluta Building, Bawngkawn South (Main Road) Ph: 84138 27704 / 87943 37944 COMPUTER CLASS FREE ADMISSION CCA/DCA December exam turin Free Admission hawn mek a ni leh ta e... Free Study Materials. Free PC Hardware Maintenance & Windows/Software Installation. Monday - Friday Class kal hman lo tan Saturday-ah Class a kal theih bawk e. Class timing 7:00am - 6:00pm(Mon-Fri) HI-TECH INSTITUTE OF COMPUTER Zarkawt(Near Traffic Point) & Ramhlun North (Industry peng. Opp. Traffic point) 9862343182 / 9089612701(WhatsApp/Call) </				